

六月制官祿之額而祿不中較者悉益其俸祿而其  
所益皆非世祿在官之間益之罷則復其故名之給  
合 王以為小臣非蒙國用余澤則不得畜妻帑時  
欲嚴用節儉故先行給食法使小臣足以畜努而後  
用之此法既行原秩五六百石之士累遷為五六十石  
官身死則其子復故家人習奮既久不能頽儉失所  
者儘有之

王愛火災或增防火使或使街卒入城中救如第之  
火却下曰以竹茅為屋者多因令悉改造店肆為瓦  
屋又命諸大夫士以漸改造其宅為瓦屋或貸金給

其費又置巡行失火之官後稍除燹火之患當神  
門外之火延及護持院是 憲王所造地方一里許  
堂宇壯麗無雙可憐一朝焦土先是護持院住持僧  
告老許之不命其後更命大塚里護國寺主僧攝護  
持院之事而改護國寺為護持院獨觀音大士廟稱  
護國寺故不再造為以其墟為原野以為都城避延  
燒之備

憲王時諸士多以色進是故士風日衰少年並傳粉  
裝容如游冶子賤勇力忘武備 王立欲化風而復  
古故驟如朝鮮馬場觀諸士講武調馬每觀之輒賜

金帛又觀<sup>管</sup>柳生小野山本山名等武藝四姓皆以善  
刀若鎗圍者也南都寶藏院住持僧善鎗也之觀其  
技寶藏院者春日之主祠也或如隅川觀先駟之步  
士游泳及卒徒之放銃於豎竿不數年而士風大化  
諸士善射騎者以千數上下武藝大進

王在藩時娶有見親王文仁之女無祿早世有庶子  
四人曰長福享保九年甲辰立為太子更名家重次  
曰宗武次曰源三天季曰宗尹一女曰芳不育宗武  
宗尹稍長給廩米三萬苞為園內族賜宗武邸於田  
安門內宗尹邸於一橋門內 王嘗謂昔者莊王封

二弟於大國清揚王封峽 憲王封館林若世做之  
封王子是以有窮之地封無窮之王子則為國家衰  
耗之基不如給之廩米若無子則還諸御廩也因問  
室直清、乃以秦漢以來列侯園內族等虛封之  
事告之 王遂決意行之及傳位於太子使賜二王  
子各廩米十萬石以為歲費既而以王子宗尹之長  
子為福井族宗矩養子賜名重昌皆行其素志也  
台德王元和八年命駕謁日光山 神祖陵寢寬永  
五年興太子亦行敵王即位凡三謁焉莊王亦從故  
事 憲王在位三十年奢倭且好施予資實空虛無

以供行裝於是造惡幣行銀鈔稅酒家鑄大錢王府  
充實倍他日將命駕而關東荐饑地震失火菑害並  
至遂不果行而祖文王立四年而祖章王幼弱而  
即世是以三世無日光之行王立將從故事享保  
十三年戊申四月癸巳癸駕丁酉謁陵寢辛丑自曰  
光山至利相岡崎族忠之佐倉族栗邑參政大久保  
常春水野忠定從為侍中高崎族輝貞殿時進彥根  
族直惟大殿如別路利相宇都宮族忠貞參政本多  
忠統居守初命上田族忠周居守方車駕癸疾病故  
使宇都宮族代之及五月忠周薨

王常用儉素而至有義不可儉則斷然行之元祿中  
改鑄大板金以其和銀銅比曰制其質甚惡王曰  
大板金國家之上幣也不可以質惡者行也享保  
十年乙巳詔改鑄以純金於是乎大板金復慶長之  
曰十二月甲子朔始行新幣  
竹翁主者皇人清閑丞相昭定姪也憲王之時至  
自京師憲王養而子之將振婚而嫁之未果而祖  
文王章王尋即世及王即位享保十四年己酉六  
月詔令翁主降嫁薩摩族繼豐命諸族悉獻粧奩以  
下資裝二十年乙卯夏詔養紀公女利根以為子而

妻仙蓋族世子宗封又使諸族獻資裝自是以爲常法

享保十四年己酉夏南越國貢象昔室町王義持之時南蠻貢黑象其後絕無之故虫老夫皆始見之

岡崎族之爲計相也善節用省費諸吏所請關國用者切弗報可請之至再至三而後議不得已者可之得已者尚舍之或身親如庖厨者鹽致釐去宿幣大興利王深喜之然方其用法頗嚴峻嘗神門前街火延燒其橋既而王問忠之橋成否對曰命匠量用簪對未決王弗悅曰夫神門都城之東北門而

出入者最衆矣無橋則大爲衆病矣平素節用省費則爲濟急也盡速造諸忠之謝不敏十五年庚戌夏遷宮監察御史於寢殿屏左右問士民疾苦且使言執政之善否御史每豫議所欲言而後至前是日遷不得豫議以故多行爲問及岡崎族對曰廉則廉矣然治敢行少徇藉吏民凋敝王曰余唯信之不圖至此也六月己酉岡崎族忠之罷賜佩刀勞慰之佐倉族乘邑代之爲計相

十七年壬子西國中國悉有餘大饑安藝土佐宇和島久留米熊水對馬其它小國數多九月詔貸之且

獨其職貢伏陽尹長崎尹及司農以務賑民不至饑  
孱有賞賜王怜小民不知医或不能求藥而誤性殞  
天年詔卹刻東医寶鑑普救類方之屬而行世或書  
救急之藥方而頒与民間又聞直医之治治民間之  
病者免其寓直因以為之施仁愛民焉又命林祭酒  
校正五服之制印而頒行天下

享保之末天下頻有年都下穀賤極矣斗米直三錢  
四分餘大倉米每一斛六斗五升直小板一金小臣  
大窮詔祭府庫貸五百石以下者且命監倉吏新築  
倉廩於水莊及淺草里而蓄積焉又命諸炭各自積

倉以為凶旱水溢之備焉既穀愈增錢十六年辛亥  
秋命有司市諸州粟米以實倉廩及元文元年尚以  
小板一金質米一斛五年因下令定米價高賈比周  
不買米

王怒亟令民猶不從宦年、買米數十万石後至朽  
蠹而不用卒棄粟數千石市人皆不曰 王曰夫穀  
翁是年改造金銀二幣款文曰文故稱諸文金銀六  
月始行新幣直皆如旧享保之後是歲始改元故都  
下民謠曰維改元矣幣亦悞矣穀翁独何不變与  
尾公宗春怒已與王宗室之庶子而北面而事之也

曰尾紀也而紀公陟元佑察人為藩鎮寡人縱不能富保四海而樂不可極乎在都鄙亟微行或登青樓召倡婦游宴夜以繼日其歸封也更造倡家於名獲城下日飲宴娛樂其他奢侈無度王嘗謁增上寺園寢尾公先行在天光院及車駕過公自墻上見之從士呵之不辟焉王知是尾公而釋弗治歸罪於前驅誅之於是尾公亦誅其從臣幹事者謝之既而王召特進某名族忠雅會津族容貞及列相議遂決策元文四年己未正月庚申使安藝族吉長及水戶支封賴貞賴幸如尾公宗春邸以王命數其

罪而廢更立高須義淳為尾公更名宗勝召尾相今尾族某大山某以下或喻之辛酉召諸族盟曰無或如尾公宗春放逸不能制馭其臣民也王謹守成不敢妄封族益地又不敢妄削諸族之地及除國故終王之世其損益者僅可屈指而數也其國除者多早大無子者也宗室津山族原秩十萬石減其半取其族知清之子為後曰長熙郡山族忠村原秩十萬石以其半賜其弟忠利明年忠利亦大終國除中津族長邑豐岡族高寬並大國除然以寬政皆立後賜長邑之弟興秩一萬石賜高寬之弟高

永秩一万五千石並為列侯奉先祀恩皆短折而無子者也列侯內田正備以身放縱削其秩三千石以万石賜其子正親出正備於其家終身松本侯正直坐犯大禁國除原秩七万石以有其先世汗馬之勞賜七十石之邑其忠毅初正直患積聚驟急身恐不朝請數矢於是告官娶為法當而謝之尚將不朝其臣強之朝見既訖與長門支封匡廣之世子師就有爭因擊以刀師就傷而趨辟或曰正直性急嘗惡其臣主水直諫此日朝疾作師就亦稱主水故喪心兵師就云乃命拘於正直於川越邸踰月師就傷愈

於是赦其罪使其子忠毅養之誠者曰昔者 憲王之時赤穗侯長矩兵大行人吉良義英於朝吉良傷愈得不死然以其罪賜長矩死而今赦正直夫用兵於朝均然長矩當饗 皇使大禮之日傷有司正直於無事時傷外諸侯之世子非復有司也由此觀之王之政得平矣

國初以來移封者益多邑 王即位之初宮津侯昌春移封於中津本多助芳移於飯山並益秩万石其後有移封者而弗復益秩唯有勞者不移封而益之王之登大位也土浦侯正直笠間侯正岑忍侯正喬

関宿侯重之字都宮侯忠貞為列相大久保常春森川俊胤大久保正寬為參政即位之明年忍侯正喬森川俊胤罷三年春益土浦侯秩万石以年老罷相土浦侯者 憲王之時為相至今經四朝賜杖於朝者也其餘前朝之相並益秩万石參政二人並益秩五千石 章王之世賜參政官俸米十苞至此除之先是二年九月京北大尹大岡侯忠之入相既而為計相數年以積勞益邑万石 八年四月大坂留守淀侯兼邑為相移封於佐倉後代岡崎侯為計相且王信任之凡 國家重事皆使佐倉侯主之延享二

年二月祭 神祖於紅葉山園寢行法華八講兼邑相其祭終事益之秩万石享保十三年五月參政烏山侯常春代上田侯忠周為相益秩万石其它終王之世益邑者皆參政給事中以下諸有司有僅益之者耳賜爵列侯者僅三人給事中有馬氏倫加納久通並賜万石此二人初為記臣從 王為朝臣者也江戸尹大岡忠相為大常賜万石十四年封尾公繼友之弟宗春於奥州梁川秩三万石其明年冬尾公薨無嗣詔以宗春為後因除梁川為縣其後改制不復封三公之子弟

元文六年辛酉改元寬保二年壬戌秋霖雨八月丁亥朔河水洋溢沒本莊之民屋溺者甚衆吳江戶尹石河政朝島正祥為粥食饑者關東稅使伊奈忠達淳舟援之既而賞三人賜金帛九月命有司治水淡川築堤使諸炭十一人助工役備前炭繼政津炭高長門炭宗平肥後炭宗孝福山炭正繁出石炭正辰秋肥侯祐之曰杵炭恭通鯖江炭詮房丸龜炭高矩長門附庸吉川左京等也忍炭正喬川越炭涼朝館林炭資俊岩槻炭直賢小諸侯康用及利炭米津政止之封內水沴尤甚矣大害水穀命貸之

王登極之後未嘗過諸侯邸但過田安一橋邸殊愛王子宗尹亟過之

寬保三年癸亥秋詔戒諸大夫士及有司其略一曰凡為宗家者宜戒子弟及宗族二曰宴安鴆毒當慎之三曰賓客之奉莫豐饒四曰諸尹諸長嚴禁賄賂且不可玩物、、則人來所其好而諂諛五曰禁奢靡六曰儉不可過度七曰不可親近商賈小人也王常免小過故左右郎中所貶黜者鮮矣凡中臣之得權皆由人主之不明終王世給事中之得寵者不過加納小笠原有馬淡谷松下數人而其人皆

質直而伶下故諸大夫鮮有司無為中貴人得罪者  
所以臣民皆懷其德也

膳夫依田政次嘗失王之精進羞魚本邦之俗貴

其祭祖考也並去魚肉而用蔬果王嘗嗜魚每食而

已亦終日食蔬素俗謂之精進盡之此日饒食之蓋

王哀膳夫之得罪故如少食

之而徹之既徹而政次悟之大懼趨告刑相尤罪刑

相入見以聞王曰膳夫固有罪矣雖然自失之者

罪亦甚矣刑相不能復言頓首而退是以得免昔者

憲王之世膳夫有失之者憲王大怒賜之死政次

以故為已罪當死而因王一言得活終身不忘其德

王祖之後每忌日輒拜謁其廟虫風雨寒暑未嘗忌

云

王嘗田獵于品川猪之傷者至王常所愛之狡犬

進而噬之王恐其傷使大人避焉大挺身與鬪即

中土岐某走進射之過中大土岐懼乞罪王顧左

右曰夫固欲射猪而誤中大不幸而斃非其罪也

又嘗放鷹於葛西從卒誤觸戟於王頭大懼伏地

叩頭王曰勿使執法知也凡田游之日有過失者

王輒曰勿使執法知也故執法御史若在傍而聞其

言則遽辟之為不聞者